



REPUBLIKA E SHQIPERISË
MINISTRIA E TURIZMIT DHE MJEDISIT
AGJENCIA KOMBËTARE E MJEDISIT
DREJTORIA E VLERËSIMIT TË IMPAKTIT DHE LIÇENSIMIT

AN190820220012

Tiranë, më: 09.09.2022

Komisioni 59

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 714, datë: 06.11.2019, për disa ndryshime dhe shtesa në VKM 686, datë: 29.07.2015, “Për miratimin e rregullave, përgjegjesive e afateve, për zhvillimin e procedurës së transferimit të Vendimit e Deklaratës Mjedisore”, të ndryshuar, dhe me propozim të Agjencisë Kombëtare të Mjedisit, Ministri

VENDOSI :

Lëshimin e Deklaratës Mjedisore për **Zhvilluesin** me të dhënat si më poshtë:

Person juridik: " HERA " SHPK
Nr. NIPT-i: K71819034H
Adresa e selise: TIRANE RESHIT PETRELA SEK1KAT 9AP.D. 7
Personi përgjegjës: Zana Vokopola

Për të zhvilluar projektin: **“NDËRTIMI, INSTALIMI DHE SHFRYTËZIMI I CENTRALEVE ELEKTRIKE ME ERË DHE PRODHIMIN E ENERGJISË ELEKTRIKE NGA KËTO CENTRALE” PARKU EOLIK KAPPET**

Aplikimi është bërë referuar Ligjit Nr. 12/2015 “Për disa ndryshime në Ligjin nr. 10 440, datë: 07.07.2011, “Për Vlerësimin e Ndikimit në Mjedis, Neni 9, “Projektet që i nënshtrohen procedurës së thelluar të vlerësimit të ndikimit në mjedis”, Pika 1. Procedurës së thelluar të vlerësimit të ndikimit në mjedis i nënshtrohen: b) projektet, për të cilat vendimi i AKM-së parashikon nevojën e zbatimit të kësaj procedure. Shtojca II: Pika 3. Industria e energjisë ë) Instalime për prodhimin e energjisë hidroelektrike;

Vendndodhja: Në territoret e bashkive Pogradec, Maliq dhe Devoll, Qarku Korçë

Numri i kullave: 87

Fuqia e instaluar: 150MW + 10%

(Bashkangjitur Aneksi 1, gjendet gjurma e projektit.)

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

Drejtoritë Teknike në Ministrinë e Mjedisit shprehen:

Prodhimi i energjisë elektrike duke shfrytëzuar energjinë e erës është një nga mënyrat më miqësore me mjedisin, me pothuasje aspak ndikim në mjedis gjatë fazës së gjenerimit të energjisë. Bazuar në VKM-në nr. 581, datë 06.10.2021 “Për miratimin e Kontributit Kombëtar të Përcaktuar”, politikat e Qeverisë Shqiptare nxisin prodhimin e energjisë së rinovueshme, të cilat ndikojnë pozitivisht në arritjen e qëllimit kombëtar për uljen e emetimeve me 20.9% deri në vitin 2030. Me qëllim mbrojtjen e cilësisë së ajrit në mjedis dhe në zbatim të legjislacionit përkatës për këtë fushë, sugjerohet që gjatë fazës së punimeve, të mbahen në konsideratë rekomandimet e mëposhtme: - Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”; - Të spërkatet rregullisht me ujë sheshi i punimeve dhe rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”. - Sugjerojmë që mbetjet e gjeneruara gjatë zhvillimit të aktivitetit të menaxhohen sipas kuadrit ligjor në fuqi në fushën e mbetjeve. - Sugjerojmë të merret mendimi i Agjencisë Kombëtare të Zonave të Mbrojtura. - Sa i takon sektorit të biodiversitetit shprehet që aktiviteti duhet t’i përmbahet legjislacionin në fuqi për mbrojtjen e natyrës dhe konkretisht ligjeve: Ligjin nr. 9587, date 20.7.2006 “Për mbrojtjen e biodiversitetit” i ndryshuar; dhe Ligjin nr.10 006, datë 23.10.2008 “Për mbrojtjen e faunës së egër” i ndryshuar. - Sa i takon sektorit të pyjeve sugjerojmë që të gjithë aktivitetet që çenojnë fondit pyjorë dhe kullësor tu nënshtrohen përcaktimeve ligjore që rrjedhin nga ligji nr. 57/2020 “Për Pyjet” si dhe ligjit nr.9693 “Për fondit kullësor” i ndryshuar.

Sa i takon sektorit të cilësisë dhe pastërtisë së mjedisit shprehet që subjekti gjatë zhvillimit të aktivitetit duhet ti përmbahet legjislacionit në fuqi, Ligjit nr.9774, datë 12.7.2007 “ Për vlerësimin dhe administrimin e zhurmës në mjedis”. Bazuar në nenin 12, pika 1 e ligjit nr . 10440 / 2011 "Për vlerësimin e ndikimit në mjedis" të ndryshuar, në rast se zgjidhni pikën “a” apo “b” të referencës ligjore së sipërcituar, në Deklaratën Mjedisore të vendosen kushte të detajuara përsa i përket mbrojtjes së biodiversitetit, menaxhimit të pyjeve, emetimeve në ajër, shkarkimeve të ujrave të ndotura, menaxhimit të mbetjeve, etj. të cilat duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis

Agjencia Rajonale e Mjedisit: Parimisht dakort per ushtrimin e aktivitetit.

Agjencia Kombëtare e Zonave të Mbrojtura, shprehet:

Bazuar në planvendosjen dhe koordinatat e aplikimit, sipërfaqja ku do të zhvillohet projekti “PARKU EOLIK KAPPET, Ndërtimi, instalimi dhe shfrytëzimi Centraleve Elektrike me Erë si dhe prodhimi energjisë elektrike nga këto centrale”, në zonën e Kapshticës (bashkia Devoll), në zonën Çërravë (bashkia Pogradec) dhe Vreshtaz Podgorie (bashkia Maliq), me zhvillues dhe aplikues “HERA” sh.p.k me nr. Aplikimi AN190820220012, shtrihet jashtë kufirit të zonave të mbrojtura mjedisore të Parkut Kombëtar “Prespa” shpallur me VKM-në Nr. 59, datë 26.01.2022 “Për Miratimin e Ndryshimit të Statusit dhe Sipërfaqes së Ekosistemeve Natyrore Park Kombëtar (Kategoria II) e Zonave të Mbrojtura Mjedisore” dhe të Peizazhit të Mbrojtur Tokësor/Ujor (PMT/U) “Liqeni i Pogradecit”, Kategoria e V-të e zonave të mbrojtura, shpallur me VKM-në nr. 80, datë 18.02.1999. Ndërkohë, projekti shtrihet në Rezervën e Biosferës Ndërkufitare Ohrid – Prespë. 26 aerogjenatorë planifikohen të ndërtohen në zonën buferike, P6A, P13C, P14A, P16A, P17B, P18A, P19A, P20A, P22A, P23A, P24A, P25B, P26A, P29C, P30A, P31A, P32A, P33A, P35B, P35C, P36A, P36B, P37C, P37D, P40A, P40B dhe 61 aerogjenatorë planifikohen të ndërtohen në zonën tranzitore.

Referuar ligjit nr. 81/2017 “Për zonat e mbrojtura”, neni 27, pika 1, citohet se: “Rezerva të biosferës” shpallen zonat relativisht të mëdha me ekosisteme tokësore, ujore, bregdetare dhe detare, në të cilat, nëpërmjet menaxhimit të duhur të tokës, ruajtjes së ekosistemit dhe të biodiversitetit, ndërthuret shfrytëzimi i qëndrueshëm i burimeve natyrore për përfitim të komuniteteve lokale. Këto zona bazohen në rregullat dhe principet e programit “Njeriu dhe biosfera” të konventës së UNESCO-s.

Ky projekt parashikon përdorimin e fuqisë së erës për të gjeneruar energji elektrike, jo vetëm si burim energjie, por edhe në pikëpamje mjedisore është një nga më të pastrat dhe mënyrat më të mira e të qëndrueshme, pasi nuk prodhon ndotje toksike apo emetimet e gazeve serë që ndikojnë në ngrohjen globale. Referuar raportit teknik, ku merret në konsideratë reduktimi dhe spostimi i kullave, sugjerojmë që:

- 26 Aerogjeneratorët të cilët sipas projektit do të vendosen në zonën buferike të RBNsë, të zhvendosen në zonën tranzitore, zonën e ndërmjetme fleksibël të kësaj zone;
- Të shmanget ndërtimi në zona të cilat mund të jenë biokorridore për shpendët dhe ndonjë dëmtim të mundshëm të foleve të shpendëve harabelorë, të foleve të zvarranikëve, insekteve dhe faunës së tokës.

Informacion për procesin e realizuar të konsultimit me publikun:

Në dëgjesën me publikin morën pjesë përfaqësues nga komuniteti i zonës, përfaqësues nga Pushteti Vendor si dhe nga Agjencia Rajonale e Mjedisit dhe përfaqësues nga studio mjedisore. Në takim është prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu siguria të pranishmeve që do të merren të gjitha masat për eliminimin e ndikimeve negative në mjedis, duke mos çenuar jetën e banorëve. Në përfundim të gjithë pjesëmarrësit në takim u shprehën dakort për zhvillimin e këtij aktiviteti.

3. Arsyet dhe konsideratat kryesore, ku është mbështetur mendimi:

- Në mendimin e Agjencisë Kombëtare të Zonave të Mbrojtura;
- Në mendimin sugjerues të Agjencisë Rajonale të Mjedisit;
- Në mendimet e anëtarëve të Komisionit nr. 59, datë 09/09/2022, i mbledhur në zbatim të Urdhërit nr.106, datë 19.05.2022, “Një ndryshim në Urdhërin nr.75, datë

13.04.2022, për “Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis”;

- Në Vendimin Nr. 61, date 2.11.2007 të Bordit të Komsionerëve të Entit Rregullator të Energjisë (ERE) dhe të përmbledhur në Aneks C të Licensës së ERE Nr. 49, Seria NPM07P, me fuqi nominale njësi të parashikuar ndërmjet 2 MW dhe fuqi nominale të përgjithshme prej 150 plus 10% MW, ose me fuqi njësi nominale njësi 3 ose më shumë MW dhe fuqi të përgjithshme prej 150 plus 10% MW;
- Në Lejen Mjedisore nr.282 Prot, date 11.06.2013, Vendimi 13;
- Në kontratat e qerave të lidhur midis zhvilluesit dhe Bashkive në të cilat do të kalojë linja e projektit.

4.Përshkrimin, sipas rastit, të masave kryesore që duhen marrë për të shmangur, reduktuar e, nëse është e mundur, për të korrigjuar efektet negative të rëndësishme.

4.1.Ky aktivitet të zhvillohet në përputhje të plotë me Kontratën Konçensionare / Miratimin Paraprak, Planin e Përgjithshëm Vendor dhe Planin e Detajuar Vendor, Leje për Shfrytëzimin e ujit, të miratuara nga organet kompetente (KKT / Bashki / Njësi Administrative apo institucioneve të tjera) sipas akteve ligjore dhe nënligjore në fuqi.

4.1 Ky objekt të ndërtohet në përputhje të plote me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Pushteti Vendor) dhe akteve ligjore në fuqi.

4.2 Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, Kreu I, Neni 1, Pika A); Kreu II, Neni 7, Pika 1; Kreu V, Neni 20, Pika 1.

4.3 Ky vendim është i vlefshëm vetëm për aktivitetin e përkohshëm sipas titullit të instalimit. Ndalohet kategorikisht hyrja dhe qëndrimi i mejeve të tjera apo kryerja e veprimtarive jashtë kërkesave të parashikuara në aplikim.

4.4 Masa e dheut të gjeneruar nga operacionet e gjermimit, të sistemohet në një vend të caktuar dhe të ruhet për qëllimin e rehabilitimit.

4.5 Të merren masa për të parandaluar rëniet e zjarrit gjatë realizimit të punimeve në terren dhe të sigurohen mjetet e nevojshme të ndërhyrjes në rast të rënies së zjarrit (zjarrfikse të lëvizshme, bombula me shkumë, etj);

4.6 Niveli i zhurmave gjatë procesit të jetë brenda normave të lejuara dhe të punohet në orare kur shqetësimi i banoreve dhe zonave përreth të jetë me ndikim sa më të ulët

4.7 Të bëhet rrethimi i zonës ku do të realizohen punimet, për të shmangur hyrjet e pa autorizuar

4.8 Operacionet për zbatimin e projektit (ndërtimi) të përdorin sa më shumë të jetë e mundur infrastrukturën egzistuese të transportit (rrugën dhe rrjetet egzistuese).

4.9 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.

4.10 Subjekti të kujdeset për menaxhimin e mbetjeve të krijuara nga veprimtaria, ato të ambalazhimit dhe ndërtimit, duke i transportuar në mënyrë të rregullt në vend grumbullimit e caktura nga njësi vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”.

- 4.13 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.14 Kompania të ndjek me përpikmëri projektin teknik për të evituar erozionin e tokës, me qëllim ruajtjen e cilësisë së ujrave sipërfaqësore dhe nëntokësore.
- 4.15 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.
- 4.16 Furnizimin me energji elektrike të bëhet conform kërkesave e me miratimin të organeve kompetente.
- 4.17 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacione DRM-në e qarkut përkatës dhe AKM, të cilat bëjnë të mundur njoftimin e populates që preket nga kyaksident.
- 4.18 Para fillimit të veprimtarisë të trajnohen të gjithë punëtorët e subjektit si dhe të njihen me termat dhe kushtet e sipërcituara në Deklaratë.
- 4.19 Të kryhet mirëmbajtja në mënyrë të vazhdueshme i mjediseve përreth objekteve duke ruajtur nje imazh të këndshëm dhe minimizuar ndikimet në mjedis.
- 4.20 Të evitohet turbullimi i ujit që ndikon drejtëpërdrejtë në ciklet biologjike të mjedisit ujor.
- 4.21 Në rast se gjatë fazes së instalimit, projekti ka nevojë për vepra të tjera në shërbim të tij (venddepozitime, rrugë etj.), subjekti duhet t'inhenshtrohet procedurave të VNM-së sipas legjislacionit ne fuqi.
- 4.22 Kompania duhet të respektojë të gjitha kushtet teknike të ndërtimit sipas akteve ligjore dhe nënligjore në fuqi.
- 4.23 Kompania duhet të respektojë gjithashtu edhe kushtet e vendosura në raportin e VNM-së që është paraqitur në aplikim si dhe të ketë parasysh Ligjin Nr. 10431, datë 9.6.2011 “Për Mbrojtjen e Mjedisit”.
- 4.24 Në rast se do të mbyllet aktiviteti, të rehabilitohet mjedisi në përdorim, në bashkëpunim me pushtetin vendor.
- 4.25 në përfundim të instalimit sipas periudhës së përcaktuar në raportin Teknik 6-mujore të vlerësohet gjendja mjedisore.
- 4.26 Në përfundim të afatit 24 mujor të funksionimit të bëhet një raport mbi gjendjen e mjedisit për ndotjen e mundshme në mjedisin ujor, tokësor dhe në ajër.
- 4.27 Një nga masat kryesore zbutëse që mund të përdoret për të mbrojtur zogjtë nga përplasja me linjat ajrore është përdorimi i shënjesve të linjës (devijuesit) për të rritur shikueshmërinë e tyre.
- 4.28 Të gjitha dherat e gjeneruara gjatë fazës së gjermimit si dhe vegjetacioni e humusi pas pastrimit të kanalit të kullimit do të duhet të menaxhohen me teknikat më të mira të disponueshme nga subjekti zhvillues.
- 4.29 Të gjitha veprat hidrike si hidrovore, ura, argjinatura do të duhet të ruhen me prioritet sipas pritshmërisë së qëllimit final të projektit.
- 4.30 Të punohet me orare të reduktuara gjatë shtrimit të linjës së transmetimit të tensionit të lartë në zonat e urbanizuara për shkak të nivelit të zhurmave dhe shtimit të trafikut.
- 4.31 Subjekti zhvillues gjatë fazës së punimeve do të duhet të kujdeset për vendosjen dhe respektimin e sinjalistikave të duhura rrugore sipas legjislacionit vendas, në aspektin e sigurisë së lëvizjes së njerëzve, mjeteve motorrike si kamionë, autovetura mjete agrobujqësore.
- 4.32 Çdo objekt banimi/shërbimi dhe pronat ku kalon linja e interkonjunksionit do të duhet të shpronësohen sipas legjislacionit në fuqi.
- 4.33 Nëse gjatë fazës së kryerjes së punimeve do të zbulohen gjetje arkeologjike do të duhet të njoftohen menjëherë autoritetet përgjegjëse dhe të ndërpriten punimet.
- 4.34 Të respektohet distanca dhe mos të cënohet Parku Kombëtar Divjakë-Karavasta

4.35 Të respektohen parimet e legjislacionit në fuqi lidhur me zonat e mbrojtura, Ligji Nr.81/2017 “Për zonat e mbrojtura”.

4.36 Të rehabilitohet sheshi i zonës së zhvillimit të projektit në përfundim të jetëgjatësisë së tij.

Sanksionet e mundshme:

- Për mos respektimin e kushteve të Vendimit dhe të legjislacionit mjedisor ka sanksione ligjore
- Ndëshkimi administrativ dhe penal i subjektit që nuk zbaton kushtet e Vendimit
- Pezullimi i aktivitetit për një afat kohorë.

Raportimi i të dhënave mjedisore:

- Në zbatim të kërkesave ligjore subjekti duhet të bëjë vlerësimin mjedisor periodik të veprës gjatë fazës së instalimit;
- Për të mbajtur informacionin mbi monitorimin, zbatimin e kushteve, subjekti duhet të përpilojë një regjistër të veçantë.
- Të dhënat e vetëmonitorimit dhe të zbatimit të kushteve të Vendimit duhet ta vërë në dispozicion të institucioneve shtetërore, si dhe të interesuarve të tjerë.
- Për çdo ndryshim të planifikuar në teknologji, operacione të paparashikuara dhe deklaruara në raportin e paraprak të VNM-së, të njoftohet menjëherë DRM-në e qarkut përkatës.
- Të njoftohet DRM-ja e qarkut përkatës, në çdo kohë, për aksidentet ose emergjencat me ndikim negativ në mjedis.
- Bazuar në ligjin Nr. 9587, datë 20.7.2006 “Për mbrojtjen e biodiversitetit” i ndryshuar, subjekti të hartojë dhe një plan masash për ruajtjen e florës dhe faunës, duke ndaluar dëmtimin ose shkatërrimin e zonave të shumimit ose të vendeve të qëndrimit, për këto specie.

Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

- Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, datë 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 datë 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi:

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona ne hyrje te kantierit	55	45	11.03.2023	Çdo 6 muaj
Kantier ndertimi	55	45	11.03.2023	Çdo 6 muaj
Mjedisi urban me i afert me kantierin	55	45	11.03.2023	Çdo 6 muaj

- **Shkarkimet në Ajër**

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedisi” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afërt me kantierin çdo 6 muaj.

Tabela e niveleve kufi

Ndotësi	Përqëndrimi	Raportimi në AKM	Periodiciteti
Lënda grimcore (PM _{2.5})	20-25 µg/m ³	11.03.2023	Çdo 6 muaj
PM ₁₀	50 µg/m ³ 40 µg/m ³	11.03.2023	Çdo 6 muaj

- **Cilësia e ujrave**

Parametrat që duhet të monitorohen

Ndotësi	Përqëndrimi	Raportimi në AKM	Periodiciteti
Lëndët në pezulli	50 mg/l	11.03.2023	Çdo 6 muaj

- **Subjekti duhet të sjellë pranë AKM-së si më poshtë:**

- Informacion në momentin e fillimit të punimeve
- Raportimin periodik për parametrat që do të monitorohen sipas datës së raportimit / çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.

- **Afati i Vlefshmërisë**

- Deklarata mjedisore / Vendimi për VNM-në paraprahe për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.
- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprahe, atëherë këto dokumente konsiderohen të pavlefshme dhe procesi i VNM-së fillon nga e para.

Në bazë të udhëzimit të përbashkët të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së, ky subjekt ka kryer pagesën 50.000 lekë.

DREJTOR I PËRGJITHSHËM

ARTA DOLLANI

MINISTRI

MIRELA KUMBARO FURXHI

Konceptoi:

Pranoi:

Aneksi 1. Planvendosja dhe koordinatat

NDERTIMI, INSTALIMI, SHFRYTEZIMI I CENTRALEVE ELEKTRIKE
ME ERE DHE PRODHIMI I ENERGJISE ELEKTRIKE NGA KETO
NE KOMUNAT CERRAVE, VRESHTAS DHE QENDER BILISHT
PLANIMETRIA E PERGJITHSHME
SH 1 : 50,000

